

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
VLADA



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
GOVERNMENT

TUZLA, Tel.: ++387(0)35 369 317 i 369 303; Fax: ++ 387 (0)35 369 306; Web site: www.vladatk.kim.ba; e-mail: vlada@tk.kim.ba

TUZLANSKI KANTON
SKUPŠTINA
n/r predsjednika

Broj: 02/1- 04-2942-1/24
Tuzla 14.02.2024. godine

PREDMET: Informacija, dostavlja se

Radi razmatranja na sjednici Skupštine Tuzlanskog kantona dostavljamo Vam Informaciju Uprave policije Ministarstva unutrašnjih poslova Tuzlanskog kantona o sigurnosnoj situaciji na području Tuzlanskog kantona, s posebnim akcentom na tragični događaj koji se dana 07.02.2024. godine dogodio u Tuzli.

S poštovanjem,

DOSTAVITI:

- 1 x Skupštini Tuzlanskog kantona
- 1 x Evidenciji
- 1 x a/a



PREMIJER KANTONA

Irfan Halilagić
Irfan Halilagić

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-04-2942 /24
Tuzla, 14.02.2024. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), Vlada Tuzlanskog kantona, na sjednici održanoj dana 14.02.2024. godine, d o n o s i

ZAKLJUČAK

I


Vlada Tuzlanskog kantona upoznala se sa Informacijom Uprave policije Ministarstva unutrašnjih poslova Tuzlanskog kantona broj: 08-06-03.2-3-741/24 od 13.02.2024. godine o sigurnosnoj situaciji na području Tuzlanskog kantona, s posebnim akcentom na tragični događaj koji se dana 07.02.2024. godine dogodio u Tuzli, i ista se prosljeđuje Skupštini Tuzlanskog kantona na razmatranje.

II

Zadužuju se Ministarstvo unutrašnjih poslova Tuzlanskog kantona i Uprava policije da najkasnije do 15.02.2024. godine do 8,30 časova Skupštini Tuzlanskog kantona dostave sve raspoložive i relevantne podzakonske i druge interne akte tražene aktom Skupštine Tuzlanskog kantona.

DOSTAVITI:

- 1 x Skupštini Tuzlanskog kantona**
- 1 x Ministarstvu unutrašnjih poslova TK**
- 1 x Evidenciji**
- 1 x a/a**



PREMIJER KANTONA

Irfan Halilagić



Bosna i Hercegovina
Federacija Bosne i Hercegovine
Tuzlanski kanton
Ministarstvo unutrašnjih poslova
Uprava policije
T u z l a



Broj: 08-06-03.2-3-741/24
Datum: 13.02.2024.godine.

VLADA TUZLANSKOG KANTONA

Primljeno: 13.02.2024
Org. jed. Klasif. oznaka Redni broj Br. prijava
02/02 04 2942 24

PREDMET: Presjek informacija o stanju sigurnosti za 2023.godinu i januar 2024.godine, dostavlja se.-

VEZA: Vaš akt broj: 02/2-04-2942/24 od 12.02.2024.godine

Poštovani,

Upravi policije MUP-a TK dana 12.02.2024.godine dostavljen je akt Vlade Tuzlanskog kantona broj i datum veze, kojim se za sjednicu Vlade traži informacija o stanju sigurnosti na području Tuzlanskog kantona, sa posebnim akcentom na dešavanja u srijedu 07.02.2024.godine.

STANJE SIGURNOSTI JANUAR-DECEMBAR 2023.godine

O stanju sigurnosti na području Tuzlanskog kantona za 2023.godini sačinjena je Informacija o stanju sigurnosti koja je dostavljena na nadležnost ministru unutrašnjih poslova MUP-a TK i Nezavisnom odboru Skupštine TK.

Kriminalitet

Prema pokazateljima stanja sigurnosti, u vezi sa **stanjem kriminaliteta** u 2023. godini, može se konstatovati da je došlo do **smanjenja evidentiranih krivičnih djela** na području Tuzlanskog kantona u odnosu na isti period prošle godine za 184 krivičnih djela ili -5,0%.

Posmatrano po strukturi, može se uočiti da je u 2023. godine u odnosu na prošlu godinu, došlo do smanjenja broja krivičnih djela protiv imovine za 89 krivičnih djela ili 4,7%; krivična djela protiv javnog reda i pravnog prometa za 43 krivična djela ili 19,2%; krivičnih djela protiv podmićivanja i krivičnih djela protiv službene i druge odgovorne funkcije za 39 krivičnih djela ili 26,0%; krivičnih djela protiv okoliša, poljoprivrede i prirodnih dobara za 30 krivičnih djela ili 35,7%; krivičnih djela protiv sigurnosti javnog prometa za 25 krivičnih djela ili 13,2%; krivičnih djela protiv zdravlja ljudi za 16 krivičnih djela ili 3,2%; i dr., dok je uočeno povećanje broja krivičnih djela protiv braka, porodice i mladeži za 84 krivična djela ili 58,7%, krivičnih djela protiv slobode i prava čovjeka i građanina za 23 krivična djela ili 23,2%, i dr

Ako se posmatraju složeniji i teži oblici krivičnih djela, može se uočiti **smanjenje** broja krivičnih djela zloupotreba položaja ili ovlašćenja, neovlašćene proizvodnje i stavljanje u promet opojnih droga, ugrožavanje javnog prometa, šumska krađa, laka tjelesna ozljeda,

ugrožavanje javnog prometa, i dr., dok je uočeno **povećanje** broja krivičnih djela nasilje u porodici, posjedovanja i omogućavanja uživanja opojnih droga, krivotvorenja službene isprave, ugrožavanje sigurnosti, i dr..

Procenat otkrivenosti krivičnih djela prijavljenih po nepoznatom učiniocu iznosi 44,3%, dok procenat ukupne rasvjetljenosti krivičnih djela iznosi 70,7%.

U 2023. godini, na području Tuzlanskog kantona, iz grupe krivičnih djela protiv života i tijela evidentirano je 209 krivičnih djela. U odnosu na 2022. godinu broj krivičnih djela iz ove grupe manji je za 13 krivičnih djela ili 5,9%.

U toku 2023.godine 11 osoba je lišeno života, dok je protiv 7 izvršilaca podnesen izvještaj o učinjenom krivičnom djelu iz čl.166. KZ FBiH. Napominjemo da je u Gradačcu jedan izvršilac lišio života tri osobe a potom izvršio samoubistvo, kao i u Živinicama gdje je jedna osoba lišila života drugu osobu a potom izvršila samoubistvo.

U posmatranom periodu na području Tuzlanskog kantona dogodilo se 44 događaja samoubistva.

Osnovni pokazatelji stanja kriminaliteta na području TK-a (2022./2023.g.)

	Broj podnešenih izvještaja tužilaštvima	Ukupan broj krivičnih djela	Ukupan broj prijavljenih učinilaca	Broj KD-a po poznatom učiniocu	Broj KD-a po nepoznatom učiniocu	Broj naknadno rasvjet. KD-a prijavljenih po NN učiniocu	Procenat rasvjetljenosti KD-a po NN učiniocu	Ukupan broj rasvjetljenih KD-a	Procenat ukupne rasvjetljenosti	Br. KD-a od strane maloljetnika	Broj učinilaca maloljetnika	Ukupna materijalna šteta (x 1.000 KM)
2022. g.	3260	3666	3219	1685	1981	931	47,0	2616	71,4	106	122	7468
2023. g.	3162	3482	2791	1649	1833	812	44,3	2461	70,7	50	69	6681
RAZLIKA	-98	-184	-428	-36	-148	-119	-2,7	-155	-0,7	-56	-53	-787
RAZLIKA (%)	-3,0	-5,0	-13,3	-2,1	-7,5	-12,8	-5,7	-5,9	-1,0	-52,8	-43,4	-10,5

Javni red i mir

Što se tiče stanja javnog reda i mira, realizujući planirane i vanredne zadatke iz djelokruga rada u 2023. godini, službenici policije evidentirali su ukupno 1808 prekršaja što je za 81 prekršaja ili 4,3% manje nego u istom periodu prošle godine. U skladu sa Zakonom i počinjenim prekršajima sankcionisan je i manji broj učinilaca prekršaja za 62 ili za 2,6%.

Posmatrano po strukturi počinjenih prekršaja u 2023. godine, a u odnosu na isti period prošle godine, može se uočiti smanjenje broja prekršaja prosijačenja manje za 37 ili 37%, prekršaja tuče, zlostavljanja ili fizičkog napada manje za 27 ili 6,5%; prekršaja po Odlukama gradskih/općinskih vijeća manje za 26 ili 42,6%, ostalih prekršaja po Zakonu o JRiM manje za 5 prekršaja ili 1,6%; prekršaja odbijanja naređenja i omalovažavanja policijskih službenika manje za 4 ili 1,6%; prekršaja neovlašteno posjedovanje, upotreba petardi, pirotehničkih sredstava manje za tri prekršaja; dok je evidentirano povećanje prekršaja naročito drskog

ponašanja više za 13 prekršaja ili 2,1%; te prekršaja svađe, vike i nepristojnog ponašanja više za 8 ili 6,3%.

Prekršaji JRiM po Gradskom/općinskom području TK u 2023.g./2022.g.

	Broj prekršaja JRiM-a 2022.g.	Broj prekršaja JRiM-a 2023.g.	razlika	razlika u (%)	Broj počinioca prekršaja 2022.g.	Broj počinioca prekršaja 2023.g.	razlika	razlika u (%)
TK-ukupno	1889	1808	-81	-4,3	2347	2285	-62	-2,6
Banovići	159	176	17	10,7	196	217	21	10,7
Čelić	33	31	-2	-6,1	42	38	-4	-9,5
Doboj-Istok	22	28	6	27,3	22	28	6	27,3
Gračanica	176	155	-21	-11,9	218	187	-31	-14,2
Gradačac	114	111	-3	-2,6	125	122	-3	-2,4
Kalesija	173	143	-30	-17,3	198	192	-6	-3,0
Kladanj	37	84	47	127,0	41	88	47	114,6
Lukavac	199	200	1	0,5	265	283	18	6,8
Sapna	37	22	-15	-40,5	52	27	-25	-48,1
Srebrenik	242	242	0	0,0	314	323	9	2,9
Teočak	36	29	-7	-19,4	36	32	-4	-11,1
Tuzla	370	317	-53	-14,3	487	407	-80	-16,4
Živinice	291	270	-21	-7,2	351	341	-10	-2,8

Saobraćaj

Tokom 2023. godine evidentirano je povećanje broja saobraćajnih nezgoda u odnosu na isti period predhodne godine (više za 136 saobraćajnih nezgoda ili za 4,7%). Broj saobraćajnih nezgoda sa poginulim licima veći je za 2 nezgode, a broj poginulih lica je na istom nivou, u odnosu na isti period predhodne godine. Broj nezgoda sa povrijeđenim licima veći je za 68 nezgoda ili 6,3%. Broj lica sa teškim tjelesnim ozljedama veći je za 19 lica ili 10,6%, a broj lica sa lakim tjelesnim ozljedama veći je za 87 lica ili za 5,8%. Broj saobraćajnih nezgoda sa materijalnom štetom veći je za 66 nezgoda ili za 3,6%. U 2023. godini ukupno je stradalo 185 pješaka što je u odnosu na 2022. godinu manje za 20 lica ili 10,8%. U posmatranom periodu u saobraćajnim nesrećama ukupno su stradala 232 maloljetna lica što je u odnosu na isti period prošle godine više za 30 lica ili 12,9%, sa dvije smrtne posljedice.

Pregled saobraćajnih nezgoda u periodu 2022/2023

	Tuzlanski kanton		razlika	razlika u (%)
	2022.g.	2023.g.		
Ukupan broj SN-a	2918	3054	136	4,7
Broj SN-a sa poginulim	18	20	2	11,1
Broj SN-a sa povrijeđenim	1086	1154	68	6,3
Broj SN-a sa materijalnom štetom	1814	1880	66	3,6
Broj poginulih lica	20	20	0	0,0
Broj teže povrijeđenih lica	179	198	19	10,6
Broj lakše povrijeđenih lica	1493	1580	87	5,8

U toku 2023.godine dva sigurnosna događaja su izazvala posebnu pažnju javnosti po kojima su službene mjere i radnje preduzimali policijski službenici Uprave policije i to događaji u Lukavcu i Gradačcu.

- Dana 14.06.2023.godine, nakon što je mladb. učenik ranio nastavnika u Osnovnoj školi Lukavac grad, nakon dokumentovanju navedenog događaja Kantonalnom tužilaštvu Tuzlanskog kantona dostavljeni su Izvještaj o događaju i Izvještaj o učinjenom krivičnom djelu protiv jedne osobe zbog osnova sumnje da je isti počinio krivično djelo iz člana 219. stav 3. Zapuštanje ili zlostavljanje djeteta ili maloljetnika KZ FBiH u sticaju sa krivičnim djelom iz člana 72. stav 1. Zakona o oružju i municiji TK.

Inspekcijskim nadzorom je konstatovano, a internim postupkom utvrđeno da su po svim evidentiranim i zaprimljenim prijavama koje se odnose na mladb. učenika postupali policijski službenici PU/PS Lukavac i tom prilikom poduzeli potrebne mjere i radnje iz svoje nadležnosti, dok je na okolnosti prijema u PU Lukavac pisane obavijesti o smrti nosica vatrenog oružja koje je korišteno u događaju od 14.06.2023.godine u Lukavcu, primjerak Izvještaja o provedenom internom postupku dostavljen načelniku Policijske uprave na nadležnost, a u cilju utvrđivanja eventualnih propusta u radu. U vezi sa navedenim događajem Kantonalnom tužilaštvu TK dostavljen je Izvještaj o izvršenim provjerama broj: 08-06/3-5-03.2-3-4195/23 od 10.10.2023.godine, koji se odnosi na postupanje službenika PU Lukavac.

- Nakon događaja od 11.08.2023. godine, kojom prilikom je Sulejmanović Nermin upotrebom vatrenog oružja lišio života i teško ranio više lica na području Grada Gradačca, pod nadzorom postupajućeg tužioca KTTK-a, dana 17.08.2023.godine podnesen je Izvještaj o događaju od 11.08.2023.godine, a vezano za izvršena 3 krivična djela „Ubistvo“ iz čl.166. KZ FBiH i 3 krivična djela iz čl.166. a u vezi sa čl. 28. KZ FBiH, te izvršeno samoubistvo od strane počinioca krivičnih djela.

U vezi sa navedenim događajem, Kantonalnom tužilaštvu TK podnesena su tri izvještaja i to: Izvještaj o događaju broj: 08-06/3-1-03.3-4080/23 od 18.08.2023.godine, Izvještaj o preduzetim mjerama i radnjama broj: 08-06/3-5-03.2-3-4080/23 od 23.08.2023.godine i Izvještaj o preduzetim mjerama i radnjama broj: 08-06/3-4-03.3-4083/23 od 23.08.2023.godine.

Nakon događaja od 11.08.2023. godine, na osnovu prikupljenih saznanja pokrenuta su tri odvojena interna postupka protiv tri policijska službenika (jedan policijski službenik iz PS Srebrenik i dva policijska službenika iz PS Gradačac) zbog postojanja osnova sumnje da su počinili teže povrede službene dužnosti, koje nisu u direktnoj vezi sa navedenim događajem.

Osnovni pokazatelji stanja kriminaliteta na području TK-a za januar 2023.g. / januar 2024.g.

U januaru 2024.g., od strane organizacionih jedinica MUP TK-a nadležnim tužilaštvima podnešeno je 250 Izvještaja o učinjenom krivičnom djelu za izvršenih 290 krivičnih djela. Od ukupnog broja krivičnih djela, po poznatom izvršiocu prijavljena su 143 krivična djela, a po nepoznatom izvršiocu evidentirano je 147 krivičnih djela. Naknadno su rasvijetljena 64 krivična djela, od čega 27 iz posmatranog perioda (januar 2024. godine) i 37 iz ranijeg perioda. Procenat rasvijetljenosti krivičnih djela prethodno prijavljenih po nepoznatom

učiniocu je 43,5%, a procenat ukupne rasvijetljenosti krivičnih djela je 71,4%. Nadležnim tužilaštvima ukupno su prijavljena 224 učinioca krivičnih djela, što je u odnosu na januar 2023. godine više za 10 ili 4,7%. U odnosu na januar 2023. godine, broj evidentiranih krivičnih djela je veći za 21 krivično djelo ili 7,8%, a u odnosu na prethodni mjesec (decembar 2023. godine) broj krivičnih djela je manji za 19 krivičnih djela ili 6,1%.

	Broj podnešenih izvještaja	Ukupan broj krivičnih djela	Ukupan broj prijavljenih učinilaca	Broj kriv. djela po poznatom učiniocu	Broj kriv. djela po nepoznatom učiniocu	Broj naknadno rasvijetljenih krivičnih djela prijavljenih po NN učiniocu	Procenat rasvijetljenosti krivičnih djela po NN učiniocu (%)	Ukupan broj rasvijetljenih krivičnih djela	Procenat ukupne rasvijetljenosti (%)	Broj krivičnih djela učinjen od strane maloljetnika	Broj učinilaca maloljetnika	Ukupna materijalna šteta (x 1.000 KM)
januar 2023.	251	269	214	124	145	61	42,1	185	68,8	2	3	390
januar 2024.	250	290	224	143	147	64	43,5	207	71,4	4	4	344
razlika	-1	21	10	19	2	3	1,5	22	2,6	2	1	-46
(%)	-0,4	7,8	4,7	15,3	1,4	4,9	3,5	11,9	3,8	100,0	33,3	-11,8

Osnovni pokazatelji JRiM za period januar 2023./2024.g., decembar/januar 2023./2024.g.

	I 2023.g.	I 2024.g.	Razlika	Razlika (%)	XII 023.g.	I 2024.g.	Razlika	Razlika (%)
Prekršaji po Zakonu o JRiM	103	113	10	9,7	172	113	-59	-34,3
Prekršaji po Odlukama gradskih/općinskih vijeća	4	2	-2	-50,0	4	2	-2	-50,0
UKUPNO PREKRŠAJA	107	115	8	7,5	176	115	-61	-34,7

Dokumentujući događaje u kojima je došlo do narušavanja javnog reda i mira službenici policije su u januaru 2024.godine evidentirali 115 prekršaja, što je u odnosu na isti period 2023.g. više za 8 prekršaja ili 7,5%, a u odnosu na prošli mjesec manje za 61 prekršaja ili 34,7%.

Pregled saobraćajnih nezgoda na putevima Tuzlanskog kantona za period januar 2023./2024.g., decembar/januar 2023./2024.g.

	MUP TK		Razlika	Razlika (%)	MUP TK		Razlika	Razlika (%)
	I 2023.	I 2024.			XII 2023.	I 2024.		
Ukupan broj SN-a	261	223	-38	-14,6	297	223	-74	-24,9
Broj SN-a sa poginulim	2	1	-1	0,0		1	1	0,0
Broj SN-a sa povrijeđenim	102	59	-43	-42,2	97	59	-38	-39,2
Broj SN-a sa mat.štetom	157	163	6	3,8	200	163	-37	-18,5
Broj poginulih lica	2	1	-1	0,0		1	1	0,0
Broj teže povrijeđenih lica	18	11	-7	-38,9	10	11	1	10,0
Broj lakše povrijeđenih lica	150	88	-62	-41,3	133	88	-45	-33,8

U toku mjeseca januara 2024.godine, na putevima Tuzlanskog kantona, evidentirane su 223 saobraćajne nezgode, što je u odnosu na januar 2023.godine manje za 38 saobraćajnih nezgoda ili 14,6%, a u odnosu na decembar 2023.g. manje za 74 saobraćajne nezgode ili 24,9%.

U posmatranom periodu na putevima Tuzlanskog kantona evidentirana je jedna saobraćajna nezgoda sa smrtno stradalim licima, što je za 1 saobraćajnu nesreću i 1 poginulo lice manje u odnosu na isti period prošle godine.

U vezi sa stanjem sigurnosti na području Tuzlanskog kantona za vremenski period januar-decembar 2023.godine i januar 2024.godine, dana 07.02.2024.godine održan je prošireni kolegij direktora Uprave policije MUP-a TK. Tom prilikom je u skladu sa utvrđenim dnevnim redom, razmatrano stanje sigurnosti na području Tuzlanskog kantona. Nakon izvršene analize i prezentiranih podataka i razmatranja statističkih pokazatelja od strane svih prisutnih rukovodilaca u Upravi policije, stanje sigurnosti na području nadležnosti organizacionih jedinica kojim rukovode ocijenjeno je zadovoljavajućim po svim segmentima.

Na sastanku Koordinacije direktora Federalne uprave policije i policijskih komesara/direktora Uprava policija kantonalnih ministarstava unutrašnjih poslova u Federaciji BiH, sagledavajući sveukupne pokazatelje iz segmenta sigurnosti: kriminaliteta, javnog reda i mira, saobraćaja i aktivnosti policije u cjelokupnom izvještajnom periodu zaključeno je da je sigurnosna situacija na području Federacije BiH na zadovoljavajućem nivou.

DOGAĐAJ OD 07.02.2024.GODINE

U vezi sa događajem od dana 07.02.2024.godine od strane Uprave policije MUP-a TK, preduzeto je sljedeće:

- Dana 07.02.2024.godine u 22,00 sati, dežurni službenik PS Istok PU Tuzla, obavijestio je dežurnog službenika OKP PU Tuzla, da se navedenoj PS istog dana oko 20,55 sati putem telefona obratilo više građana i tom prilikom prijavilo da je došlo do upotrebe vatrenog oružja u tržnom centru Sjenjak, u Tuzli, kojom prilikom je došlo do ranjavanja NN ženske osobe.
- Na lice mjesta upućene su patrole PS Istok PU Tuzla, kojom prilikom je utvrđeno da se u holu TC Sjenjak, koji je lociran u ulici 15. maja, ispred ulaznih vrata u objekat Pizza Cut nalazi beživotno tijelo ženske osobe i to Kahrimanović Amre iz Tuzle, kojom prilikom su na lice mjesta izašli i službenici SHMP Doma zdravlja Tuzla, a od strane prisutnog doktora je dana 07.02.2024.godine u 21,05 sati konstatovana smrt Kahrimanović Amre.
- U blizini mjesta stanovanja od strane policijskih službenika Jedinice za specijalnu podršku MUP TK-a oduzeta sloboda Ćustendil Elvisu.
- O navedenom događaju upoznata je dežurna tužiteljica Kantonalnog tužilaštva TK-a, koja je sa službenicima Sektora kriminalističke policije MUP TK-a, izašla na lice mjesta radi vršenja uviđajnih radnji.
- Uviđaj su izvršili policijski službenici Odsjeka za opći kriminalitet Sektora kriminalističke policije Uprave policije MUP-a TK. Vršanju uviđaja bili su prisutni načelnik PU Tuzla, načelnik OKP PU Tuzla, službenici JPS MUP TK-a, te veći broj uniformisanih policijskih službenika PS Istok/PS Centar, koji su obezbjeđivali lice mjesta.
- Uz nadzor postupajuće tužiteljice Kantonalnog tužilaštva TK preduzete su službene mjere i radnje na dokumentovanju navedenog događajau okviru kojih je Ćustendil Elvisu oduzet službeni pištolj marke Glock, fabričkog broja DPF075, nakon čega je dana 08.02.2024.godine imenovani zajedno sa Izveštajem o učinjenom krivičnom djelu „Ubistvo“ iz člana 166. stav 2 KZ FBiH predat postupajućem tužiocu KT TK-a.
- Izvršenim provjerama u PS Istok i OKP PU Tuzla, nisu evidentirane prijave protiv Ćustendil Elvisa zbog nasilja u porodici i prekršaja iz oblasti javnog reda i mira.
- Dana 08.02.2024.godine na prijedlog načelnika Sektora uniformisane policije Uprave policije MUP-a TK-a, direktor Uprave policije MUP TK-a, je donio odluku o privremenoj suspenziji policijskog službenika Ćustendil Elvisa, zbog postojanja osnova sumnje da je počinio krivično djelo „Ubistvo“ iz člana 166. stav 2 KZ FBiH i teže povrede službene dužnosti, koja počinje teći od 08.02.2024. godine i može trajati do okončanja krivičnog ili disciplinskog postupka.
- Izvršenim provjerama u Operativnom centru MUP TK-a, odnosno uvidom u Plan rada službenika policije Operativnog centra utvrđeno je da se policijski službenik Ćustendil Elvis nalazio na godišnjem odmoru od 05.02.2024.godine, te je vezi sa navedenim događajem pokrenut interni postupak radi utvrđivanja povreda službene dužnosti od strane policijskih službenika Uprave policije MUP-a TK.

Izvršenim provjerama kroz službene evidencije Jedinice za profesionalne standarde Uprave policije MUP-a TK utvrđeno je sljedeće:

- Protiv policijskog Ćustendil Elvisa proveden je interni postupak u vezi sa saobraćajnom nezgodom koja se dogodila dana 19.06.2020.godine oko 23,30 sati u Tuzli, kada je pod dejstvom alkohola imenovani prouzrokovao saobraćajnu nezgodu. Nakon provedenog internog postupka, pokrenut je disciplinski postupak u kojem je navedeni policijski službenik oglašen krivim za težu povredu službene dužnosti propisane članom 107. stav 1. tačka 9. (ponašanje koje narušava ugled policijskog

organa) Zakona o policijskim službenicima i izrečena mu je disciplinska sankcija-novčana kazna u iznosu od 20% na postotku jednomjesečne osnovne plate za period od 4 mjeseca i dodijeljeno 15 bodova koliko je stepenovana utvrđena povreda službene dužnosti.

- Osim navedenog, protiv policijskog službenika Ćustendil Elvisa vođen je interni postupak u vezi sa događajem od 13.08.2020.godine po žalbi građanina za neprofesionalno postupanje službenika PS Istok i službenika policije Jedinice policije za podršku Uprave policije prilikom izvođenja operativno taktične radnje ograničenje kretanja na određenom prostoru-racija. Na osnovu provedenog internog postupka, odnosno na osnovu iskaza svjedoka i prikupljene službene dokumentacije utvrđeno je da ne postoji dovoljno činjenica na osnovu kojih bi se moglo potvrditi ili odbaciti ono što se stavlja na teret policijskim službenicima, zbog čega je Odboru za žalbe građana predloženo da se interni postupak završi ocjenom „ bez dovoljno dokaza“, a što je i prihvaćeno od strane Odbora.

S poštovanjem!

Dostavljeno:

-Naslovu,
-a/a



